

Na osnovu člana 13. Zakona o principima lokalne samouprave u Federaciji BiH („Službene novine Federacije BiH“, broj 49/06.), člana 6. i 25. Statutarne odluke o organizaciji Grada Tuzla u skladu sa Zakonom o Gradu Tuzla („Službeni glasnik Grada Tuzla“, broj 1/14, 3/15, 7/15 i 12/15), člana 26. stav 1. Statuta Općine Tuzla („Službeni glasnik Općine Tuzla, broj 2/99., 9/00., 2/08. i 12/09.) Gradsko vijeće Tuzla, na sjednici održanoj dana 21. 02. 2018. godine, donosi

ODLUKA
o izmjenama Kodeksa ponašanja vijećnika u Gradskom vijeću Tuzla

Član 1.

Članu 16. Kodeksa ponašanja u Gradskom vijeću Tuzla (“Službeni glasnik Općine Tuzla”, broj 03/12, 07/14 i 10/17)(u daljem tekstu:Kodeks), mijenja se i glasi:

“Član 16.”

Sa svrhom osiguranja primjene ovog Kodeksa, Gradsko vijeće formira poseban Odbor za Kodeks ponašanja vijećnika (u daljnjem tekstu: Etički odbor)

Etički odbor prati primjenu Kodeksa, postupa po pojedinačnim prijedlozima za utvrđivanje postojanja povrede Kodeksa, podnosi izvještaj Gradskom vijeću s preporukama i ima druga ovlaštenja utvrđena ovim Kodeksom.

Etički odbor čine predsjedavajući, zamjenik predsjedavajućeg i sekretar Gradskog vijeća Tuzla, predsjednici klubova vijećnika, koji participiraju u Gradskom vijeću Tuzla i vijećnik iz reda nacionalnih manjina.

Predsjedavajući Etički odbor radi bez naknade.

Etički odbor donosi svoj Poslovnik o radu.

Administrativno-tehničke poslove za potrebe Etičkog odbora obavlja Stručna služba Gradskog vijeća.

Član 2.

Član 17. Kodeksa, mijenja se i glasi:

“Član 17.”

Procedure utvrđivanja odgovornosti

„Etički odbor radi po prijavama, koje se podnose u pismenoj formi.

U prijavi će obavezno navesti za koje radnje smatra da predstavljaju povredu Kodeksa i dokaze kojima to potvrđuje (kao npr. zvanično objavljene audio i tonske snimke, kopije dokumenata, kopije vijesti iz sredstava informisanja i slično).

Anonimne prijave se neće uzeti u razmatranje.

Etički odbor razmatra prijavu i ovlašten je provesti postupak ispitivanja osnovanosti prijave, provesti potpuni dokazni postupak i nakon toga odlučiti postoji li povreda neke od odredbi Kodeksa.

Ako je prijava podnesena protiv člana Etičkog odbora, navedena osoba neće učestvovati u radu i glasanju na sjednici Etičkog odbora u tački dnevnog reda, na kojoj se razmatra navedena prijava.

U postupku ispitivanja osnovanosti prijave iz stava 1. ovog člana Etički odbor će saslušati vijećnika, protiv koga je podnesena prijava, a po potrebi na sjednicu odbora pozvati podnosioca prijave radi davanja dodatnih pojašnjenja.

Ako Etički Odbor zaključi da nije bilo povrede odredaba ovog Kodeksa o tome će obavijestiti podnosioca prijave i vijećnika, protiv koga je prijava podnesena.

Ako Etički odbor zaključi da je određeni vijećnik učinio povredu neke od odredbi ovog Kodeksa, Gradskom vijeću Tuzla će podnijeti detaljan izvještaj s preporukom da se prekršiocu Kodeksa izrekne neka od sankcija predviđenih Kodeksom (u daljem tekstu: Izvještaj).

Gradsko vijeće donosi odluku, kojom prihvata ili ne prihvata preporuku Etičkog odbora o povredi odredaba Etičkog kodeksa s izrečenom mjerom.

Ako prihvati preporuku o izricanju mjere za povredu Kodeksa vijećniku, donosi odluku, čiji nacrt izrađuje Etički odbor uz pomoć Stručne službe Gradskog vijeća.

Odluka iz predhodnog stava ovog člana je konačna i izvršna.

Protiv odluke iz stava 10. ovog člana se ne može izjaviti žalba, ali se može pokrenuti postupak pred nadležnim sudom“

Član 3.

Iza člana 17. Kodeksa , dodaju se novi članovi 17.a. i 17.b, koji glase:

“Član 17.a.”

Lakšim povredama Kodeksa smatraju se:

- a)** neopravdani izostanak ili kašnjenje vijećnika sa sjednice Gradskog vijeća i njegovih radnih tijela;*
- b)** napuštanje sjednice Gradskog vijeća i njegovih radnih tijela, bez odobrenja predsjedavajućeg Gradskog vijeća ili predsjednika radnog tijela,*
- c)** neprisustvo obukama iz člana 6. stav 3. ovog Kodeksa,*
- d)** nedolazak na javne manifestacije i skupove, na koje su uredno pozvani, bez obavještanja organizatora manifestacije ili skupa o razlozima izostanka.*
- e)** iskazivanje predrasuda prema uposlenicima u organima uprave Grada Tuzla (član 10. stav 1. Kodeksa).*

“Član 17.b”.

“Težim povredama Kodeksa se smatraju:

- a)** Svako kršenje Ustava, zakona ili propisa, kao i postupanje u suprotnosti sa općim interesom, koji isključuje rad za finansijsku dobit ili bilo koju direktnu ili indirektnu novčanu korist za sebe ili lica iz svog privatnog okruženja, izuzev naknada za svoj rad utvrđenih odlukama Vijeća ili zaključcima radnog tijela Vijeća (član 4. stav 1. i 2. Kodeksa),*
- b)** Aktivnost, koja treba da rezultira izborom, imenovanjem ili postavljanjem lica na određene pozicije, a da se pri tome ne sprovode propisi, ne obezbijedi postupak otvorene javne konkurencije, nezavisne provjere i poštovanja principa kvaliteta, profesionalnosti, znanja i sposobnosti (član 4. stav 3. Kodeksa),*
- c)** Svaka radnja, koja sadrži obilježja krivičnog djela (član 5. Kodeksa),*
- d)** Kršenje odredbi člana 70., 71., 75. i 75.a. Poslovnika Gradskog vijeća Tuzla,*
- e)** Svako postupanje suprotno odredbi člana 7. ovog Kodeksa,*
- f)** Korištenje izraza na sjednicama Gradskog vijeća i njegovih radnih tijela, kao i ponašanje u javnosti korištenjem izraza, kojim se omalovažavaju druge ličnosti ili grupe ili ne poštuju prava drugih ili ne uvažavaju drugi i njihova uvjerenja (član 8. Kodeksa),*
- g)** Svaka radnja, kojom se vijećnik dovodi u sukob interesa (član 9. Kodeksa),*
- h)** Zahtijevanje od zaposlenih u organima uprave Grada Tuzla, da preduzimaju, ili da propuste da preduzmu, bilo kakve radnje kojima bi sebi omogućili protivpropisnu direktnu ili indirektnu osobnu prednost, ili daju prednost pojedincima ili grupama pojedinaca, s ciljem ostvarivanja protivpropisne direktne ili indirektno osobne koristi ili u svrhu ostvarivanja političkih ciljeva, onih političkih grupacija kojima pripadaju (član 10. stav 2. Kodeksa),*
- i)** svako postupanje suprotno članu 13. Kodeksa.*

Član 4.

Član 18. Kodeksa, mijenja se i glasi:

“Član 18.”

Za nepoštivanje odredaba ovog Kodeksa, mogu se izreći slijedeće sankcije:

1.pismena opomena za lakše povrede odredaba ovog Kodeksa (član 17.a. Kodeksa)

2.javna opomena sa objavljivanjem odluke na sjednici Gradskog vijeća u slučaju, kada je jednoj osobi izrečeno dvije ili više pismenih opomena;

3.novčana kazna do 50% vijećničkog paušala u periodu od jednog do dvanaest mjeseci za teže povrede odredaba ovog Kodeksa (član 17.b.Kodeksa).

Javna opomena i novčana kazna se objavljuje na web stranici Grada Tuzla.

Novčanu kaznu izvršava nadležna služba za budžet i finansije.

Član 5.

Etički odbor je dužan, najkasnije u roku od 30 dana od dana stupanja na snagu ove Odluke, uskladiti Poslovnik i druga interna akta sa odredbama ove Odluke.

Član 6.

Ovlašćuje se Komisija za statutarna pitanja i propise, da izradi prečišćeni tekst Kodeksa ponašanja vijećnika u Gradskom vijeću Tuzla.

Član 20.

Kodeks stupa na snagu osmog dana od dana objavljivanja u „Službenom glasniku Grada Tuzla“.

GRAD TUZLA

Gradsko vijeće

Broj:01-05-1442-2018

Tuzla, 21.02.2018. godine

PREDSJEDAVALAČI

Dr.med.sci.Aleksandar Vujadinović

Obrazloženje

Pravni osnov za donošenje Odluke

Pravni osnov za donošenje ove Odluke je osnovu član 13. Zakona o principima lokalne samouprave u Federaciji BiH („Službene novine Federacije BiH“, broj 49/06.), član 6. i 25. Statutarne odluke o organizaciji Grada Tuzla u skladu sa Zakonom o Gradu Tuzla („Službeni glasnik Grada Tuzla“, broj 1/14, 3/15, 7/15 i 12/15), člana 26. stav 1. Statuta Općine Tuzla („Službeni glasnik Općine Tuzla, broj 2/99., 9/00., 2/08. i 12/09.).

Razlozi za donošenje Odluke

Na četrnaestoj redovnoj sjednici Gradskog vijeća Tuzla, održanoj dana usvojena je Rezolucija o zaštiti ustavnosti, ljudskih prava, prava na dostojanstvo, rad u normalnim uslovima, Gradskog vijeća igradskih službi Grada Tuzla.

Tačkom 5. Rezolucije, predviđeno je da će se pristupiti donošenju izmjena i dopuna Poslovnika Gradskog vijeća Tuzla i Kodeksa ponašanja izabranih zvaničnika-vijećnika u Gradskom vijeću Tuzl, sve sa ciljem da se obezbijedi rad Gradskog vijeća Tuzla u normalnim uslovima, bez bilo kakvog vrijeđanja, omalovažavanja i ponašanja, koje nije primjereno u Gradskom vijeću Tuzla.

Objašnjenje pojedinih odredbi:

Članom 1. Odluke, određuje se da će predsjednik Etičkog odbora po službenoj dužnosti biti predsjedavajući Gradskog vijeća, a u slučaju njegove odsutnosti ili spriječenosti, mijenjat će gap o pismenom ovlaštenju član odbora.

Do sada je sam Etički odbor iz svojih redova birao predsjednika, što usporava rad ovog tijela za slučaj nepostizanja dogovora.

Članom 2. Odluke, uvedene su slijedeće novine

a)U sastav Etičkog odbora su predsjedavajući, zamjenik predsjedavajućeg, sekretar Gradskog vijeća, predsjednici Klubova vijećnika, koji participiraju u Gradskom vijeću i nezavisni vijećnici,

b)Ako je prijava podnesena protiv člana Etičkog odbora, navedena osoba neće učestvovati u radu i glasanju na sjednici Etičkog odbora u tački dnevnog reda, na kojoj se razmatra navedena prijava.

c)U postupku ispitivanja osnovanosti prijave iz stava 1. ovog člana Etički odbor će saslušati vijećnika, protiv koga je podnesena prijava, a po potrebi na sjednicu odbora pozvati podnosioca prijave radi davanja dodatnih pojašnjenja.

d)Odluka, kojom se utvrđuje povreda Kodeksa i izriče sankcija je konačna i izvršna i protiv nje se ne može izjaviti žalba, ali se može pokrenuti postupak pred nadležnim sudom.

Članom 3. Odluke, konkretizovane su lakše povrede Kodeksa, što do sada nije bio slučaj.

Članom 4. Odluke, konkretizovane su teže povrede Kodeksa, što nije regulisano važećim Kodeksom.

Članom 5. Odluke su osim opomene i javne opomene, uvedene i novčane kazne za teže povrede Kodeksa, kako bi se preventivno djelovalo na vijećnike, da ne čine nedopuštena djela.

Članom 6. Odluke, dat je rok Etičkom odboru da svoja akta usaglase sa odredbama ove Odluke.

Članom 7. Odluke, dato je ovlaštenje Komisiji za statutarna pitanja i propise, da pripremi prečišćeni tekst Kodeksa ponašanja vijećnika u Gradskom vijeću Tuzla.

Članom 8. Odluke, definisano je da ista stupa na snagu osmog dana od dana objavljivanja u „Službenom glasniku Grada Tuzla“.

PREDLAGAČI

